



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum Infrigidans Galeni IIII

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

BRASAVOLI

men afferas, quæ secundo loco in tua sceda scripta est.

S E N E X. III.

Unguentum infrigidans Galeni uocatum sequitur.

BRAS. Neq; ab re, quia ubi infrigidare tam uehementer animus non est, rosaceo utimur unguento, ubi uehementius infrigidare, hoc Galeni. At quomodo illud conficis? SE. Ut Mesue facit Galeni cerotum ultimum in infrigidatione ualens ad febres acutas, & sodam calidam pulsatiuam.

Recipe cereæ albæ unc. I. uel lib. I.

Olei rosati omphacini unc. III. uel libras quatuor

Aquæ fontis claræ, & proprie uehementis frigoris quantum sufficit, oleum multoties & bene lauetur lauationibus multis, & quanto magis elaboratur in lauando illud fit excellentius. BRAS. Quomodo aquam, & oleum simul misces ut oleum lauetur? SE. Ego simul misceo oleum, & ceram ut ex ipsis mixtis unum corpus euadat, quod postea lauo. BRAS. Quot uicibus lauas? SE. Numerum nō habeo, sed toties lauo, contrecto, & lauando misceo q; album efficitur. BRAS. Veram habes lauandi regulam. nam toties lauari debet ut album efficiatur. cumq; unguentum hoc haud esse album uidebis, illa non esse probe lota iudicato, uel saltem nō fuisse probe ducta, aut agitata spatula, uel baculo. tamē & seorsum lauatur oleum aqua in phiala, uel in uitrea cucurbita. SE. Cum bis, aut ter fuerit elotū quid facit amplius elotio? BRAS. Semper aliquid pinguis ab oleo auferit, & aliquid mellis à cera, & frigidius semper euadit, frigidaq; aquæ qualitas uehementius imprimitur, nam frigidissima aqua lauari debet. SE. Nonnulli sunt qui

Qui rosacea lauant: est ne melius? BRAS. Immo pe-
 ius, quia non est adeo frigida, ut aqua fontis, uel alicuius
 nostratis putei, nam frigidissimam opus est accipere
 aquam. adde & hoc unguentum humiditatem exigere,
 quia eo plerūq; utimur ad infrigidandum unā, & hu-
 mectandum. at maiorem humectandi uim huic presta-
 bit aqua fontis q̄ rosacea, quæ forte illi non nihil addet
 siccitatis, forte cōuenire posset quando laxiora mēbra
 à nobis inungenda sunt, quæ aliquo adstringēte semper
 indigent: tale membrum iecur est. SE. Iecur ergo hoc
 infrigidante inungendū quandoq; est? BRAS. Cur eo
 nō inungēdum iecur, si sit opus? SE. Arbitrabar lum-
 bos, ac renes hoc esse inungendos, & nunq̄ ad aliam finē
 uendidi, quā ad istum. BRAS. Quid scis tu an pro
 dorso, an pro alio membro fuerit emptum? SEN. Ita
 semper audiui. BRAS. Tamen plerūq; alia refrige-
 ro, & humecto isto linimento membra. uerum absq; ace-
 to uideris conficere medicamentum. SE. Nondum si-
 niui, nam cum ad acetam perueneramus, impediisti me
 ad alia sermonem conuertendo, at Mesue ita sequitur.
 Ultimo uero conquassetur cum aceto albo, & claro, &
 pauco, & seruetur. BRAS. Hoc album Galeni un-
 guētum (ita enim ab aliquibus nominatur) uel ceratunt
 infrigidās, ut Galenus in decimo Methodi uocat, uel ce-
 ratum album est in maximo apud medicos usu in febri-
 bus cum dorsum, aut renes dolent, nos uero eo etiam uti-
 mur ad infrigidandum atq; humectandum cor, iecur, et
 alia membra, quæ his qualitatibus indigent. SE. Cum
 à Mesue dicatur esse Galeni compositionem quo nam lo-
 co de illa pertractauit Galenus? BRAS. In decimo
 Methodi

Methodi, classe septima, pag. 64. H. SE. Fit ne eodē
 modo, ut retulit Mesue? BRAS. Mesue arbitratur
 Galeni cōpositionem descripsisse, sed rem exquisite non
 est affecutus, quia Galenus aquam in cōpositionem reci-
 pit. SE. Galeni modum addiscere optarem. BRAS.
 Si aures erexeris Galeni modū te docebo, & ipsius uer-
 ba referam. de his loquitur quæ in febribus refrigerēt,
 » atq; humectent, & ait. Incipiam autem ab eo medicami-
 » ne, q̄ omniū quæ humectent ac refrigerent est simplicis-
 » simum, quo etiā aduersus erysipelata uitor, & phlegmo-
 » nas in pudendis, utiq; inter initia, priusq̄ depascens ali-
 » qua subindicetur putredo. Præparādi uero modum sta-
 » tim edocet cum ait. Debebit autē ad id præparata esse
 » cera q̄ optima, & elota, En q̄ ipse ceram lauat, & docet
 » quæ nā sit optima cera inquiens, Sane optima fuerit uel
 » alba pontica, uel quæ ex atticis fit fauis, Esto autem &
 » rosaceum quod ex oleo fit à nonnullis uocato omphaci-
 » no, ab alijs crudo, quodq; citra salem sit confectum. Ma-
 » xime uero ad rem pertinebit, si & ipsum oleum tenuiū
 » prorsus sit partium cuius modi sabinum est. Cum uti uo-
 » les, ambo mixta liquantur in uase duplici. Factoq; humi-
 » do cerato (cuiusmodi, s. erit quod triplum aut quadrup-
 » plum ad ceram rosaceum habet.) SEN. In hoc mihi
 » placet Galenus qui ad uncias aut libras non se determi-
 » nat, sed accipit ceræ quantum lubuerit, olei rosacei ad
 » triplum aut quadruplū. BRASAVOLVS. Fit mo-
 » lius si oleum ponas ad quadruplum, si ad triplum minus
 » molle. SENE X. Compositionem obsecro profes-
 » quaris. BRAS. Ita Galenus sequitur, Postquam ipsum
 » fuerit refrigeratum, ei paulatim, in mortario, tantum
 aquæ

quæ addatur, quantum in se dum cum ea molliatur acci-
 pere possit. SE. Erit ergo per pauca aqua. BRAS.
 Erit prorsus per pauca, sed intelligitur cerâ esse prius
 egregie lotam. sequitur deinde Galenus. Expedi autem
 & ceratum ipsum prius admodum esse refrigeratum, at
 que etiam quæ huic admiscebit aquam esse frigidissimâ.
 Abûde autem ceratum refrigerabis, si cum modice coi-
 uit totum uas in quo continetur, in aquam frigidissimam
 dimittas. SE. Galenus ergo acetum huic unguento non
 miscet. BRAS. Nondum finiui, nam deinde sequitur.
 Quod si aceti quoq; admodum tenuis, ac clari paululum
 adijcere uelis, utiq; magis adhuc tum refrigerans, tû hu-
 mectans medicamentum efficies. SE. Ergo necessario
 non est apponendum acetum. RRAS. Non, ut ex Ga-
 leno patet, nisi cum illud uolueris frigidius & humidius
 efficere, & magis penetrâs: hocq; notato de huius cera-
 ti usu quod dicit Galenus. Non debet autem medicamē-
 tum hoc eò usq; super ægrum corpus manere, dum mani-
 feste incaleat, sed assidue subinde mutari. SEN. Video
 Galenum hoc uocare ceratum. BRAS. Et ceratū re-
 frigerans, nam ceram recipit, & ab effectu quæ facit re-
 frigerans uocatur, immo Ferrariæ ab omnibus pharma-
 copolis Galeni refrigerans uocatur, ab alijs album Gale-
 ni ceratum dicitur, inualuit etiam cōsuetudo ut unguen-
 tum pro dorso, ab alijs p renibus nuncuparetur, cum tñ
 & ad alia infrigidanda membra eo Galenus usus sit, &
 conueniat. SE. Non uidetur ergo magna esse differen-
 tia inter adductam ex Mesue compositionem, & hanc
 quam tu ex Galeno adduxisti. BRAS. Non est tanta
 ut magnificerem utram sumeres ac cōficeres: tamen Ga-

BRASAVOLI

leni mos seruādus est, ut uiri authoritas conseruetur, me-
 minit & huius cerati in primo de Simplicium medicamē-
 torum facultatibus libro capite sexto: & in sexto de Sa-
 nitate tuenda. Sed hoc in libro aceti loco semperuii suc-
 cum miscet, solani, cotylidonis, psyllij, poligoni, tribuli,
 portulacæ, lactucæ, & aliorum. plerūq; iubeo ceratum
 cum aceto confectum semperuiæ succo pluries lauari.
 Nota denique cum oleum rosatum omphacinum confici-
 tur esse accipiendas rosas nondum perfectas, et nondum
 apertas, hoc à Mesue notatur in capite de Rosis, quia o-
 leum ex his rosis confectum est magis stypticum. SE.
 Arbitror nullum esse ceratum in maiore usu quàm istud.
 BRAS. Ita prorsus est, sed in maiori adhuc erit usu,
 si eo medici ad omnes infrigidandas partes, quæ infrigi-
 datione indigent, utantur, & eo non utantur tantum ad
 renes infrigidādos. At tertium propone in tua scheda
 descriptum unguentum.

S E N E X V.

Unguentum de Nenuphare citrino tertio loco sedem ha-
 bet. BRAS. Nec abre forte, ut infrigidans cerotum
 sequatur, cum & ipsum infrigidet. At à quo authore il-
 lud accipis? SE. Ignoro prorsus, & arbitror ex com-
 positionibus esse quæ magistræales uocantur. BRAS.
 Hoc profecto fatebor i usum uenisse sub nullo authore,
 immo ut nullum habet authorem, ita est tam uaria com-
 positio, ut duo Ferrariæ inueniri non possint pharmaco-
 pole, qui eandem præcise habeant compositionem quæ
 in pondere non differat, et in simplicibus. at tu quam ser-
 uas compositionem? SE. Hanc quam nunc audies.

Recipe